



# Kemeriahkan konvokesyen UPM

Oleh MOHD. SAIFUL  
MOHD. SAHAK  
kampus@utusan.com.my

**K**EMERIAHAN Ekspo Pertanian dan Pesta Konvokesyen Universiti Putra Malaysia (UPM) Ke-40 memperkenalkan aktiviti berteraskan pertanian seperti jualan hasil pertanian serta produk hiliran di samping meraikan para graduan dan keluarga mereka sempena konvokesyen.

Penganjuran Pesta Konvokesyen UPM 2016 dengan kerjasama Kumpulan Utusan itu berjaya mencapai sasaran 30,000 pengunjung sepanjang enam hari bermula pada 20 hingga 26 Oktober lalu di Bukit Ekspo UPM yang menyaksikan 7,200 graduan menerima ijazah dan diploma masing-masing.

Daripada jumlah itu, 500 menerima ijazah doktor falsafah (Ph.D), 1,788 ijazah sarjana, 4,451 ijazah sarjana muda dan 461 diploma.

Majlis konvokesyen itu telah disempurnakan oleh Sultan Selangor yang juga Canselor UPM, Sultan Sharafuddin Idris Shah dan dihadiri Naib Canselor UPM, Datin Paduka Dr. Aini Ideris.

Komponen utama ekspo itu



UTUSAN MALAYSIA  
RENGGANIS

adalah pameran penyelidikan dan inovasi yang disertai fakulti dan institut di UPM selain menonjolkan aktiviti dan maklumat terkini tentang penyelidikan, pengajaran dan pembelajaran.

Pelbagai acara berjaya menarik kehadiran pengunjung seperti pameran pendidikan daripada 28 fakulti, gerai jualan pertanian, pertandingan pokok orkid, gubahan orkid hidup, pameran ternakan.

Selain itu, terdapat klinik

pertanian yang menunjukkan kaedah untuk pelbagai jenis cara menanam sayuran, bonsai, grow bag dan compost basket.


Tidak terkecuali, acara pertandingan larian Fun Run 5km sempena 40 tahun UPM, Cabaran Mini Xplorace dan pertandingan mewarna yang dianjurkan Kumpulan Utusan menjadi antara tumpuan pengunjung.

Wilayah Utusan yang terdiri daripada enam buah gerai juga mendapat sambutan hangat dengan pelbagai jualan buku dan majalah yang menawarkan harga runtuh termasuk studio penghias wajah, karikatur dan cabutan

## EKSPO PERTANIAN & PESTA KONVOKESYEN UPM KE-40



SULTAN Selangor yang juga Canselor UPM, Sultan Sharafuddin Idris Shah (tengah) berkenan bergambar dengan penerima-penerima Anugerah Canselor dan Emas pada Majlis Konvokesyen UPM ke-40 di UPM Serdang, Selangor, baru-baru ini.



GELAGAT peserta yang menyertai pertandingan memancing sempena Ekspo Pertanian dan Pesta Konvokesyen UPM ke-40.



JUARA pertandingan memancing, Zulfikri Khiri menunjukkan ikan patin seberat 12.038 kilogram yang berjaya ditangkap dalam Pertandingan Memancing Terbuka sempena Ekspo Pertanian dan Pesta Konvokesyen UPM ke-40.



SEBAHAGIAN peserta yang menyertai Fun Run 5km anjuran Kumpulan Utusan sempena Ekspo Pertanian dan Pesta Konvokesyen UPM ke-40.



ORANG ramai mengambil peluang membeli benih anak pokok yang dijual di tapak Ekspo Pertanian Pesta Konvokesyen UPM Bukit Ekspo UPM Serdang.



KETUA Setiausaha Kementerian Pertanian dan Industri Asas Tani, Datuk Seri Dr. Ismail Bakar (kanan) dan Dr. Aini Ideris (tengah) melawat gerai pameran dan penyelidikan UPM di tapak Ekspo Pertanian Bukit Ekspo UPM.



GELAGAT peserta yang menyertai pertandingan mewarna sempena Ekspo Pertanian dan Pesta Konvokesyen UPM ke-40.